

畝矣。三谷之奇觀，是爲首焉。但膈臂往往，巉削下前，率八九弓，使人眩視，悸不自保。以故不能久臨也。右臂之尾，突如而出者，曰津崎。龍山邦君時，鎮祭伊弉册尊，更名愛宕山。當左臂之背，退而自保者，曰日島。巖中之映日者，弘法大師之影堂也。愛宕居正午，日島倚巽位，孤圓蒼翠，互爲儕輩。其間平田數百畝，此秦泉而彼江口也。岩南十數町，黝壘爛然，而東者曰高知，即國府也。其腰間白虹，北枕者曰山田橋，府之北門也。府南如帶，沿府而東，曰潮江。江末南匯，爲碧潭，千頃潮汐自南進，江水自西下，相會而成。是曰大船，巖巖東，螺髻層層者，曰五臺山。行基菩薩之所摸闢，文殊師利之靈窟也。其西涯爲南北浦，曰吸江。夢窓國師，庵絕海義堂，續燈，其十境之佳致，與輿松駿清丹天等競鞭爭先，久鳴乎天下矣。其第一崎，曰兩華巖，國府東堤之彼岸也。第二崎稍進者，曰泊船岸，而其根阜，則宋太史所稱臥龍山也。巖與岸之中間，一闕臨水而映夕陽者，則今樣所歌吸江町，而其半隱乎華巖之首矣。巖之中心，有兩點，右新涌，未字，左則玄夫。

島也。巖南兩山偃臥，如環缺而成關，曰東西孕。即潮汐自南進之咽喉也。東勇出於吸江，南山西奔馳於潮江，南山俱蒼蔚深綠，而騰蹙沸涌之姿，宛如二龍相鬪，氣勢既屈，而怒鱗猶張，妙絕爲尤甚。凡巖北限，東隄南擁，兩孕東繚，吸江西引，潮江東堤，與華巖之間，北入者爲渡口，船岸與東孕，右脅之間，東入爲下田，入江入江，只就舟之隱顯，推之耳，不能審其沓汜，也是其碧潭鏡中，西江遊戲之錦帆也。渡口往來之郵船也。入江出沒之梁麗也。孕關突過之舸艇也。順風舉帆，隨潮操揖，各自有姿態，如展畫圖，而探幽憑棊楸而爭道也。三谷之奇觀，於是爲央焉。不翅是也。長汀曲浦之望，逐潮而明，細雨漁火之眺，當夜而寒，柔櫓驚藹之聲，待冬而奇，剡溪牛渚之興，在月與雪而妙，蓋但有用心者識之耳。從東孕左脅下，悠然南去者，曰仁井田松林。長嶼二里餘，青松千株，班列森然，遮諸西連，遙蔽孕關者，曰勝浦。所謂長宗我部氏之浦戶城，而內外海之闕也。松樹連雲，海氣噴山，雄壯偉麗，譬如孤軍深入，勒兵關外，而聊當遊騎之鋒也。三谷之

奇觀於是爲窮焉。自此以南。大海茫茫。南極浮沈。無辨天與水之際。而或時有熬背映天而浮者。木國熊野崎云。但非早春快晴難覩。而既見也。身神蕭爽。便覺有登太山而小天下。觴于瑤池而噉三光於下之心。三谷之奇觀於是爲侈焉。大凡自此至勝浦。陸海四里。而孕關處其半也。孕關當東隄。正南而松林之腹。勝浦之首。又關之正南也。其間海有高曾祖山。有伯仲叔。而由我視之。則高未嘗不浮於巔。而伯未嘗不窺其背矣。地勢眼界。大略於此可見。若夫上元之縹幢。端午之旌旗。大悲會之絡繹。孟蘭盆之萬炬等。臨機運用之妙。而四節萬變。夫豈畫圖文筆之所能槩括乎。余嘗博考天下湖山之圖。本朝未見覽可伯仲者。而指揮若定。失雨奇晴好。翬亦不可知也。噫。是贊贊也。孰識不侈言。吾友富永康春翁家在橫瀑下。蓋三谷山中之樞紐。東南壯觀之一唯也。翁來于此。已一紀矣。性耽風月。晨夕研究。今茲扁其堂。以曆景亭。舉其說。請余曰。來也。瀟瀟往也。淒淒銜枚。而無聲鼓瑟。不成曲者。觀音夜雨也。怒雷橫衝。檣鷗直墜。開牖視之。虹

斷而山出者。橫瀑晴嵐也。或冷冷徹曉。或濺濺清夢。佳客未到。而佩玉鏘鏘者。南澗鳴瀨也。非酒之困。非紫之奪。紅錦萬丈。華而不皖者。陰山紅葉也。古城秋高。孤松亭亭。冰輪徐碾。而寒氣逼人者。松尾秋月也。蒲牢聲遠。牛羊歸徑。遊人去。而禽鳥樂者。愛宕晚鐘也。蘆澤水淺。紙排數行之字。飛雪風高。天圍半局之碁者。日島落鴈也。羅縠不薄。輕絮不颺。煙合霞蒸。而太平有象者。土府賑煙也。城市煙偃。渡口帆落。江山收色。而斷巷獨紅者。吸江夕照也。夜色溟濛。山河不判。狐火忽跳。空華亂墜者。孕海漁火也。煙波渺茫。一張之弓。張而不弛。鳴嶼出沒。數片之霞。斷而復連者。遠浦歸帆也。或曰。天上之白玉京也。或曰。海上之三神山也。銀浪蹴天。而寒光奪目者。熊野春雪也。此其扁題之所由焉。然而方其靜也。棲瞳巢睫。雙眼寸眸。無所不格。而吾不覺其有障蔽也。方其動也。索隱探蹟。東南萬里。無所不窺。而彼不知其爲苛察也。我靜彼動。彼靜我動。神遊自在。顧盼之間。遼遼而廓廓者。在我乎。果在彼乎。一躍了之。我則我。而山益高。水益深。此又曆

景之三昧也。子其記之哉。余借登覽久矣。義不得辭。乃詳述聞見之實。且係以論。曰翁於和漢歷代之學博矣。戰陳地理之說精矣。諷謠鐘鼓之技備矣。名山大川之觀徧矣。古稱境得人而名。以其時則可。貞享三年二月十二日。秦泉谷重遠記。

弄月記

元祿五年八月十五日朝。小雨新澆。天氣陰翳。富永成是。百百直英。鹽田任安。美代重本。直英二子。直峻直廉。及重遠。相議買舟。載酒。從鐘木橋發。不敢擬晴否。豫齋兩衣傘。僕倅之計。舟中胡盧。金城煙深。五臺如畫。觀已不惡。漸過孕。徜徉玉島。憩于狹島。海波掌平。四山拱揖。樓觀寺院。往往而見。應接將不暇。七人者醉矣。而亦不能無訪古感今之念。皆褰裳上道。而安峻二子。貪釣與酒。忽匿乎舟中矣。某等踰御疊瀨。入雪蹊寺。拜秦邦君遺像。讀戶次忠死牌。廉等賦詩而去。南詣于若宮。時正年祭。前日戈矛森列。輿馬璀璨。神人氏子。往來絡繹。或構度。或設店。群衆雜遝。此地松逕竹

路。稍荷縈紆。各有姿態。無非可賦。猶窮南而出。天水茫茫。無涯。余津與室戶。空濛晦靄。乎煙波萬重之外。游子皆跣。沿于海濱。潮喘吞吐。汰沙如帛。逐波逐於波。遊戲久之。方與海潮取次論難。東登於浦戶。古城草木櫛比。谷阻路絕。面勢要害。不能詳尋。捨去過觀海亭。則日已向晡。天色清朗。漁舟狼藉。魚蝦山積。而安等猶醉倒。故處不肯轉船。扇招傘。麾百方。始來。乃相與航于種崎。而開行庖。醉吟未徧。新月終上。乎禪師之峯矣。或觀謠。或郢曲。各竭所能。飛盃不休焉。蓋仲秋難得晴。而交友無故。尤難。此會既不有於昔日。後來真何如哉。因書始末。以備追感。是英皆四十歲。是無詩。英賦絕句二首。安三十六歲。本二十九歲。各賦絕句三首。峻十九歲。賦絕句一首。廉十四歲。遠三十歲。各賦一絕。與一律。遂扣舷而歌。曰。七人二百有八載。朝露濫先誰得知。寄語年年仲秋夜。同盟何處不相思。

筑波石記

雞鳴之東。鷺棲之嶺。一山高聳。表八州之鎮。西峰對峙。擬二柱之神。烟溪

之鬱。其乎雲登。耀歌之歡。翠麓之盤。樂乎雪消。菜摘之遊。抑出武江。經總野。至此。凡一百八十里。未耨之所刺。桑麻所布。四面掌平。無復寸垵。苟微是山之屹。于東北。大塊噫氣。蓬蓬翠翠。其何以儲蓄地精。而成亭毒之功哉。曩昔日本武尊征伐東夷。名山大川。無所不踵。而還至于甲斐。酒折宮。緬懷於十日之久。忝發幾夜乎寢之歎。其神秀之鍾。感乎衷襟者。千載可掬也。我土佐國福岡國老年八十餘。退休之玩。得一拳石。名以筑波。請予記之。因就觀之。其爲石也。峭拔邈迤。深碧滑澤。而彼此之面。男女之峰。誠具體而微若。夫高堂傑閣。安諸盆中。盃酒之暇。從容注眼。恍惚驚乎小金井之馱背。乍得是山之喜。其逼真也甚矣。嗟乎。天下莫大於秋毫之末。而泰山爲小。何必在道後爲真。而在南海爲假。又安知非在東之爲荒魂。而在此之爲和魂耶。如能知其解也。雖不必漱於裙輪。田井。所謂端山茂山之惠。庶幾旦暮遇之。寶永丙戌清明之日。谷重遠記。

土佐國安藝郡白濱五社明神社代明神氏記

白濱在土佐國安藝郡。三面阻山。一面向洋。土壤礪鹵。不生草木。境界荒僻。不育人物。眞所謂齊穴。胸副國也。道喜昔上言國衙曰。臣少經行陳。性尤數奇。橫槊衽革之懷。未嘗忘乎心腑。今此沙漠不毛之地。其在版圖也。雞肋且不齒。委之魑魅。颺於官何有。臣少粗聞古昔屯耕之緒餘。儻付臣以經畫之權。蠟原陟降。錢銍。庠艾。臣雖不敏。不敢辭也。若其國家昇平也。使丁男蠶婦。衣食隴畝。一日有傲也。率勵卒馬。以赴武功。則於朝家不煩經費。而在臣足償宿心也。草莽賤士。未卜譏嫌。而豈圖明鑒。炤燭芻蕘。不遺寬永壬申。先邦君竹巖院。忝賜臣御判。領知白濱一圓。除軍興外。蠲免諸役。國宣一降。惠流千載。臣不勝感激銘肝之至。道喜因念白濱齊穴。胸副國也。苟非生草。生木。生人。生馬。生鳥。磐櫟樟船。不能一朝居焉。非神明經營。孰能與於此。乃相濱之日高。豫擬五社明神之社。所以萃聚天人。資其威靈也。海濱植松。成林。外防瘴霧。內蓄風氣。所以醇生物之力也。松林以南。作鹽竈。伐菹薪。以資海水。松林之北。傍驛路。構聚落。以比墟市。凡

此皆所以招徠農商安泊旅客也。施設苟完。三十有八年于茲。鹹謙漸蕩。滌淡水益浸潤。秋穎八握。荏苒旃旃。竹樹茂密。華葉駢植。凡所食毛縛茅。婚嫁往來者。幾四百餘人。宛然常世鄉矣。嗟乎。是人力也哉。山臥也。眉彪齒鯢而幸及親見之。豈非神垂乎。今茲己酉之歲。竟建五社明神社一字。於嚮所豫擬者。仰祈禱于國祚之永命。俯推原乎恩賴之所由也。五社何也。一曰。表筒男命。二曰。中筒男命。三曰。底筒男命。四曰。息長足姬尊。五則我祖神。而厥神名一社祕傳也。口訣以貽諸子孫焉。瓊矛鏡笑賜瓊矛鏡笑賜。寬文九年六月望日。白濱領主明神氏信勝入道道喜居士謹記。

秦山集四十四終

秦山集四十五

贊銘箴

新田左中將畫像贊 壬申

弘武宵旰。勤王何人。維左中將功昇麒麟。鑑賊授首。濛日再天。後雖蹉跌。三綱一新。劍伏黑丸。翰下紫宸。王言在骨。壯泣鬼神。惟真惟拜。孰獨非臣。

渾天儀銘

秦山書院新鑄渾天銅儀。衡璣各三尺。制度尤簡明。顧器鉅而用迂。不可不銘以傳焉。銘曰。

貞享改元。曆數大成。乃製渾儀。七政是程。地平經緯。四游玉衡。四環各單。式便仰窺。碎排宋元。簡追巴閔。因地定極。視樞正方。律令在古。詎忒毫芒。維予鑄造。具備本相。秦山之郊。斯測斯藏。千載有人。觀此銘章。元祿乙亥。南至日。山人谷重遠謹銘。

五箴 井序

周子曰。君子乾乾。不息於誠。然必懲忿。窒慾。遷善。改過。而後至。乾之用。其善是。損益之大。莫是過。聖人之旨深哉。吉凶悔吝。生乎動。噫。吉一而已。動可不慎乎。某列爲五箴。黏諸齋壁。以自警焉。約情而合於中。之功。雖不能。敢擬。亦竊所庶幾也。

不息於誠箴

誠人之柱。不誠無人。五常斯立。三綱斯倫。一息不誠。邪暗鬱塞。一念不誠。言行南北。所以君子思誠。乾乾戒謹。恐懼不睹。不聞。尤炳有知。慎獨幾先。忠信篤敬。倚衡參前。人欲忽遏。天理自存。嗟予小子。妄欺平生。誣神誑人。負愧幽明。一念乍覺。魄喪魂驚。尙幸不死。再尋寒盟。誓自今始。務實思誠。主一操柄。整肅堅城。澄治源本。邪慮勿抹。刊落枝葉。外好勿奪。行迷雖遙。庶或可跋。

懲怒箴

怒之在人。當然自天。苟或不察。忘身及親。嗟予小子。急性多欲。一事乖意。

忿怒決裂。火炎崑岡。豈問市室。氣暴情勝。羝羊觸藩。喪身僨事。噬臍何言。先覺有教。惟懲惟戒。劈山摧暴。履霜思害。制怒之方。要在乎此。顏之好學。不遷怒矣。程之定性。忘怒觀理。想厥氣象。明鏡止水。豈敢云晞。高山仰止。

窒慾箴

人之本心。虛靈知覺。昏之亂之。惟欲是拯。七情之蕩。欲爲之主。何之謂欲。曰目曰口。古人又舉曰財色酒。一有所向。蠹蝕浸淫。暗長細微。潛滋幽闇。誣天欺人。豪末汗漬。敦倫害化。一念穢濁。大易有訓。惟窒惟塞。仲虺有誥。不邇不殖。寡而至無。養心之則。用力不已。已克禮復。嗟予小子。氣質昏檢。七情之熾。奔水難飲。五欲之犯。溪壑詎厭。默念既往。肝膽如焚。噫人而禽。甚矣不仁。思之思之。而又思之。務窒三惑。式質四知。

遷善箴

聖人之心。同仁一視。樂善之誠。初無彼此。在己及人。在人裕己。聞善見善。若決江河。天地之量。詎問遷止。彼昏而愚。人各是己。護疾忌醫。不喜人規。

寧滅其身。無悟也。噫。昔由之勇。告過則喜。君子稱曰。百世之師。嗟爾小子。見賢思齊。舍己從人。豪無滯吝。徙義遷善。如風斯迅。有爲若是。何人也。舜。

改過箴

成湯之聖。不吝改過。顏子之賢。曰不貳過。過則誑誤。聖尙不免。苟能改之。澄然自善。知過不改。爲罪爲咎。聖愚之判。惟改與否。嗟予小子。氣質愚駘。過不知悔。悔不能改。舊習之纏。情欲之蔽。磐石難幹。驛馬難制。漸湛汗俗。日安沓泄。天畀在我。何忍自棄。聖言在耳。何敢失墜。一旦發憤。戶樞可轉。自今而後。日夕戰戰。如思之邪。不遠而復。如事之失。去之必速。復之去之。風迅雷震。仰不愧天。俯不忤人。得正而斃。維人之天。

秦山集四十五終

秦山集四十六

墓誌

先考谷處士墳記

先考神兵衛重元。姓大神氏。谷長岡郡江村鄉豐岡村人。五世祖曰左近。高祖考曰帶刀。妣德弘氏。曾祖祖考皆名神右衛門。祖妣福富氏。妣中井氏。世世仕長宗我部主。有顯名。俸田數處。而在此。秦泉寺村者亦多。秦主既喪。祖以下皆不復仕。先考生於寬永元年三月癸未。天資孝友。樂易開。口見心。遇事勇敢。面無怯色。視財如土。未嘗言及焉。槩其平生。實落落男子人也。以元祿元年十一月庚午。卒於土左郡秦泉寺村。年六十有五。娶島崎氏。子男三人。伯彌太郎重正。仲又次郎重次。季丹三郎重遠。女三人。長適江口氏。次天次。適小島氏。厥明辛未。葬于村之天馬山柚木壇上。家貧不能襄事。越明年某月甲子。墳築寔成。伯仲奉公。有事乎四方。季男重遠。在子不肖。號慕隕絕。無復知識。而覆幽有期。不得已。敢刻姓系。以納諸

壙。昊天罔極。嗚呼痛哉。

夫人酒井氏墓誌銘

夫人酒井氏。號鶴林院。故土佐國老宿毛鄉主山內源藏橘節氏之妻。而今國宰藏人倫氏之母也。曾祖考酒井下總守吉政。仕於豐臣秀賴公。元和元年。戰死大坂城。曾祖妣某氏。祖考壹岐吉佐。始仕當國。賜山內氏。祖妣國主竹巖院之女弟。考國老下總豐吉。妣佐川鄉主深尾重昌之女。夫人名栢。寬永十五年。戊寅。生于高知城下。明曆元年。乙未。十八歲。嫁於宿毛館。寬文六年。丙午。八月廿九日。丁丑。病歿。享年二十有九。葬于東福寺。子惟今。鄉主耳。夫人居家柔遜。無貴驕之態。謹慎寡言。最得婦德之體。既歸。鄉主貞順。斷斷終始如一。鄉主性嚴。雖嘗或失驩。而夫人秉心不改。幾微怨懣。不顯於言面。久之。鄉主敬之。親黨至今稱之。歿後三十七年。嗣子今。鄉主涕泣以請。予曰。吾母之賢如此。而不幸蚤終。吾惟一子。生五歲。遠質於武城。母子之情爲奈何。寬文五年。大將軍家降恩命。免天下質子。吾

年九歲。歸鄉上堂。跪拜吾母。吾母喜歎。執手撫髮。鍾愛深至。宛如昨日。言未周歲。忽然永訣。噫。吾生也。不及養。已負終天之痛矣。今又不能述其平生。以遺孫子。其何以盡人子之情乎。惟吾子哀之。予不忍辭也。因粗考世系及事狀。述之。抑予嘗聞諸故老。夫人之事。所天。貞順無貳。蓋有可質於鬼神者矣。宜乎所生之子。能不墜家聲也。銘曰。

嗚呼鶴林。有德無年。貞順之誠。至性自天。天曷報之。子不忝先。永言孝思。告此幽泉。予銘訂之。帶礪不研。元祿十五年壬午。冬至之日。谷重遠謹誌。



秦山集四十六終

秦山集四十七

祝詞

奉告伊勢内外宮祝詞代倫氏

謹請再拜再拜。元祿十六年癸未十一月十六日戊午。土佐國宰山内藏人橋倫氏。遙拜掛畏天照坐皇太神外宮作禮受太神宮七外宮所別宮及祓所八百萬神達。乃至天津社國津社若干神達。宇津廣前畏之畏之。祓申清申敬白。倫氏家世所知曰宿毛鄉宿毛管内。有柏島。其所隸百町。宿毛之有柏島。譬如手之有指。木之有枝。一體而不可判也。數十年來。我親族保之。轉相繼承。遂成一家。本非公臣。而特仕國衙。雖曰家臣。而不可差遺。如樹宿寄生。似體懸疣贅。然而或聯跗萼。又屬瓜葛。雖至今未生絲髮之疑。豈是久長安固之道哉。今之國主藤原朝臣躬仁厚之資。具知慮之明。洞燭物情。推誠人腹。臨政三年。枉屈悉伸。今茲十月丁酉。命臣倫氏曰。汝之宿毛鄉。圓如金甌。詎折。柏島以著。傷缺高祖邦君。鐵券之賜。山礪河帶。誰不尊

信。今還汝柏島。自今以往。任汝進退。欽哉。又命臣鄉定。曰。煩汝守柏島。淹歷年所。今還汝。舊領某村某里。顯仕於國都。列中老之班。欽哉。倫氏及鄉定。再拜稽首。不覺感泣。伏惟倫氏愚昧不肖。久叨戶祿。幸遇明時。再全祖先之功勳。恭荷眷顧。賸基親族之闕。閱感恩德。天實臨之。此併莫非天照皇太神外宮作豐受大神宮照鑑之威。擁護之力。生乎我邦者。孰不知所本也。因遣家臣某。託正四位上荒木田第四神主外宮作伊豆守神主捧幣帛。告事由。以表丹誠之萬一。仰願神明益宿正直之頂。忠君忠國。堅為朝廷全名義。生子孫。永為家門繁氏族。倫氏至祝至禱。拍手再拜。敬白。

又代倫氏

謹請再拜再拜。寶永元年甲申十一月十二日戊申。土佐國宰臣山內藏人橋倫氏遙拜。掛畏天照坐皇太神外宮作同上下敬此。七所別宮及祓所八百萬神達。乃至天津社國津社若干神達。宇津廣前。畏之畏之。祓申清申。敬白。渡瀨川利根川荒川坂東駿流武府要津。渾涵滂沛。蓋莫知其幾程也。今

茲七月洪水懷襄。淤塞氾濫。不遵故道。以其係乎民田。灌溉貢賦。漕運不可一日而廢也。十月戊子。忝鈞命。臣之主君土佐守藤原朝臣。陪三國牧伯。濬治之。台命無監。闔國奔走。痔乃錢簿。稱乃畚築。莫或敢怠焉。雖然。山川萬里。士卒千數。行李之往來。郡國之應接。事體重大。頭緒多端。願惟不藉乎天照皇太神之擁護。其何以整頓。始終不遺。後悔乎。臣備員國宰。夙興夜寐。敬惕無措。於是遣价。託正四位上荒木田第四神主。謹告此衷誠。伏願行彼無事。以副江城之嚴旨。述我所職。以保土國之敝賦。臣倫氏不勝懇祈切禱之至。拍手再拜。敬白。

土佐國高岡郡日下鄉二宮小村大天神社造替勸緣疏乙酉

本社一座。小村大天神。以御劍為神體。攝社二座。劍明神。仁井田大明神。亦各以劍為神體。右謹按古來所傳。小村大天神者。用明天皇二年。始鎮坐當國。孝謙天皇天平寶字三年。被行御船遊。清和天皇貞觀十二年。三月五日丁巳。勅授位階。蓋當社破壞。以國衙造營之。以吾河山別府山橫

河山充其材料。此先代之規也。凡此或見乎古來棟札。或著于三代實錄。則鎮坐之舊。神威之顯。崇敬之篤。殿宇之盛。炳焉不可誣矣。四條院仁治元年。庚子十月十九日。己酉。地頭左馬。允藤原忠重。同心戮力。造替之。此猶准探別府山。吾河山之材。與神主散位藤原忠重。同心戮力。造替之。此猶准乎國衙營繕之舊式矣。其後光明院貞和三年。丁卯。以當社破壞。訴陳公武。而時世騷擾。兵爭侵尋。未暇俞允。不得已。地頭藤原國藤。代官右衛門尉藤原國緒。神主式部大夫通重。公文左衛門尉重賴等。始以私力造營之。爾後時移。世變。不得預官幣。堂堂大社。終與田野禿倉同伍。可勝歎哉。原夫本朝之古。以神道化天下。朝有宗廟。國有社稷。民有本居家。有祖神。雖有崇卑大小之殊。而悉皆莫非厚本根。苾苾枝葉之教也。中古佛教東漸。世忘我國之神。人崇異方之鬼。身著異服。口誦異言。姓氏他種。子弟他族。蓋其本根。暨拔枝葉凋衰。而治日常少。亂日常多。職此之由。噫。可懼哉。按萬多姓氏錄曰。神魂命兒。天石都倭居命。又曰。大村直神魂命。五世孫。天

道根命之後也。蓋小村與大村訓通。社司古來傳曰。與天石門別安國玉主。天神爲一體。今考社地。玉主在北岸。小村在南岸。共號爲天神。而當社爲二宮。蓋亦對玉主命爲二歟。其爲同源之神。不可疑矣。又況三尺御劍。神體儼然。與古來相傳之祕。自合符契。而無雜他像設牌主之異。則其爲神世之遺。尤可驗焉。惜乎頃年宮垣日傾。柱梁月朽。神主等雖竊懷造替之志。朝無舊章。民有菜色。以故默止累歲。而今也風雨入隙。星辰漏壞。神主等頭白。乎片挾之霜。淚沾於小忌之袂。遂具其事。謹屬本村之氏人。又徧請知此地之武家。以期造替當社。粗復舊貫。願一介之微賤。雖未能望國衙造替之舊規。而凡有緣於當社之士庶。苟憐其志願。勵報賽之力。則千萬之幸也。夫佛菩薩或一名。而堂舍則徧乎國中。若小村神社。舉州纔一社耳。佛菩薩之堂舍。或一字。而須鉅萬金。况數千宇乎。若小村神社。則茅茨之覆。鞭懸之固。其費幾何也。若佛菩薩。誓救滅後之苦海矣。若小村神社。則擁護。今上皇帝。聖躬萬歲。大將軍家。武運長久。土佐國君。子孫繁

榮四民安穩。五谷上熟也。其於片楮半錢有所吝耶。今年何幸。值乎政和。民饒之秋。曰神慮。曰民議。其必有所契矣。勉之以疏。曰大日本國。素憑諾冊之開。小村神社。長成郡國之鎮。惟壽福之悠久。實神聖之扶持。士庶之信。尚致蘋蘩之誠。官社之傾。不惜消塵之投。重遠按。貞和禮札以爲。當社始歲。神照。二年。神照之說不見。更傳。但民間雜傳。以相傳。神易之。爲用。明二年。觀者。傳之。

秦山集四十七終

秦山集四十八

祭文

祭乾矩庸文

維貞享元年。歲次甲子。八月乙未朔三日丁酉。秦山谷重遠與小原正明。衣斐直清。富永成。是百百直英。清水惟義。謹以清酌香果之奠。致祭于近故仕士乾矩庸賢丈之墓前。再拜而言曰。恭惟神靈心直氣剛。如準之平。如矩之方。當代善類。家門棟梁。世之奔競。兄方如忘。俗之銜鬻。兄自綱。衰乏色之好。靡禽之荒。廉遜自牧。不屈姦彊。不立崖異。直言堂堂。回視一生。斐然成章。初予游京。兄役武藏。傾蓋如舊。氣和言芳。方予省侍。兄亦歸鄉。相與來往。講磨精詳。年長以倍。兄不自張貴賤。不敵。兄不自昂。我之貧弱。兄不以冠。我之遠慢。兄不以狂。春夏之交。雨蒸氣揚。兄之勤敏。日來對牀。條忽罹瘴。衆謂不康。亟馳訪之。語言不常。大恙漸退。又患面瘍。予欲省視。予亦患瘡。中心相思。會面茫茫。友人之訪。笑語不邊。陳氣不撓。恨志不償。

卒言及我。慮病難量。維天難諶。于何弗臧。訃告早至。撫膺彷徨。豈惟吾黨。同朝盡傷。嗚呼。矩庸何為。倉皇肥甘在案。經史在囊。將焉歸邪。吾心侵俛。諸孤孳立。誰使之相交。友進益。誰使之倡。若我懶廢。誰使之防。哀哀。矩庸。今也則亡。五月樹深。江口之堂。七月蕙枯。薊生之岡。人生遭遇。風蕭露瀼。死別吞聲。白雲英英。嗚呼哀哉。尙饗。相庸宅在江口。卒葬于薊生野。

祭屋代元久文甲戌正月十六日卒

谷重遠昭。祭于仕士屋代元久丈之靈。嗚呼。天降美質。孝且恕兮。嘉老行休。去何遽兮。予觀頽風。士懷居兮。惟是吾丈。瀟滌除兮。琴棊之遊。日與與兮。書畫之妙。江山助兮。而今而後。孰殫庶兮。臨絕問道。行中慮兮。予之無似。少併倨兮。教之誨之。免刀鋸兮。詎謂一旦。失依據兮。終天永訣。哀誰語兮。生芻在束。酒在絮兮。惟來惟格。厭且飫兮。嗚呼哀哉。尙饗。

祭野中繼善文戊寅

程朱之書來。貢我朝。歷年數百。知者寂寥。惟高山氏實始。聞韶存養窮理。

井井有條。興學立師。森乎風標。天下道學。孰爭根苗。高山數子。叔子尤賢。讀書體道。鈎深覈玄。朝諷夕吟。詩章雄妍。囹圄一生。意氣廓然。高山之功。金石可鑄。天乎難諶。報德是愆。伯仲早喪。君復歸泉。嗚呼哀哉。予之西游。于今十歲。回望狴犴。潸然出涕。偶拾瓊韻。紫雲相惠。面雖不識。心乃默契。意謂匣劍。終當顯世。奈何一夕。冥冥解脫。更悲獄吏。點檢奸細。嗚呼哀哉。有德有學。無壽無子。東福之岡。誰空誰誅。緘辭寄哭。有酒斯旨。魂兮來歸。受我菲禮。嗚呼哀哉。尙享。

祭安東鄉東文

維寶永元年十一月乙丑。谷重遠謹。寄酒菓少許。奠于近故。仕士安東鄉東丈之靈。嗚呼哀哉。惟靈孝友之德。得乎天然。剛方之操。發於妙年。早學儒教。詩書是研。終歸神道。土金斯傳。和歌之嗜。筆翰之妍。森森武林。匹儔蓋鮮。一疾不起。難諶者天。嗚呼哀哉。與子定交。二十餘歲。道途阻長。聚首難繼。論心膠漆。指海託契。蓬蒿賤姿。願我侪僚。鼎食餘薰。見子不怙。曩予

居秦處世不敬。十手瑕疵。萬口吠鳴。黨錮淪坎。戶外陷穿。親朋背馳。門無轍迹。子獨不替。友誼金石。時寄勺水。延我喘液。推其志也。古人可跂。噫。斯人也。而止於斯。命之脩短。誰實尸之。嗚呼哀哉。十月九日。細書悃幅。首言近年。國用之逼。上下窮困。罔有紀極。次歎。比來問學不力。玩愒歲月。何時祛惑。書中封寄藥艸之實。猶期後音。楮尾詳悉。墨痕淋漓。靄然手筆。讀未及盡。訃音杳至。病不移刻。月之十日。何。昨日書如此。謹密。今日易簀。如此之疾。夜壑移舟。野鳥入室。不意旦夕。聞此永訣。初疑終駭。暗淚滿目。時俗所惑。中陰七七。緘辭。西風寓此。絲觴。恭惟神靈。精爽不亡。一誦予文。蹶然以聽。嗚呼哀哉。其尙來享。

祭傍士正直文乙酉二月十三日

維子魁然。丈夫強毅。特立處世。阻礙在家。睦輯讀書。不倦朝學夕習。志馳千里。齡極三十。嗚呼哀哉。始予在秦。爲時所捐。狼狽奔鏡。形影子然。子亦跋蹇與予後先。予錄子斧茅櫛竹椽。一壑謀成。與子藏焉。豈謂一朝永訣。

九泉。嗟子好學之篤。何其勉強予之講。易嚴冬霰。子疾終歲。瘦羸如影。刻日執卷。推數考象。死而後已。困學之勇。噫。飽歷窮厄。心無涼炎。一生空房。不窺珠簾。此人所難。子猶無厭。方進未止。中道而燬。嗚呼哀哉。子之信我。樹上生薑。惟予疎懶。子志不償。僅綴蕪辭。哭傾一觴。魂兮有知。尙其來饗。

祭市原辰中文乙酉二月十九日

我土好學。日本無雙。格物之說。居敬之功。豪分縷析。氷解雪融。婚姻喪祭。禮宗文公。大哉儒乎。平準直繩。惟其末弊。朋比成風。論諍屢起。伐異黨同。習而不察。予竊呻恫。抑予聞諸鹽土老翁。我朝之初。神道建邦。二尊垂統。天柱惟崇。風氣漸開。三種折衷。歷世相傳。祖述憲章。上帥下從。育才養蒙。時有否泰。道無汗隆。予嘗服膺。夜寐夙興。持以告人。群排衆讒。卷懷將待。後世楊雄。何幸同心。得我辰中。嗟嗟辰中。性靜識明。迨聞我說。昭若發矇。疆探力取。索祕諸家。予道無室。子學升堂。子壯且暇。我老而忽。寄子弊帚。

課我兒童。何謂今日微誠不通。子疾纏綿。溘逐轉蓬。我之哭子。豈惟友朋。與子發端。不與子終。音容有盡。斯恨無窮。文以寫情。一酌一慟。英靈不昧。尙其來臨。嗚呼哀哉。

祭高橋充良文己丑五月廿三日  
辛卯三月十六日

嗟乎充良。與子定交。秦山之陰。子稚兮及。兩息之生。子壯也至。二毛之侵。二十餘年之閒。山與水知其音。至若子行薄道僻。世之所唾。且罵。惟子不厭。切磋砭鍼。自獲罪。籠囚舊故。誰不從衡。惟子不動。石腸鐵心。竊謂窮羈。俾子終不見日月。家累憑子。幸不至陸沈。豈謂造物不會。子逝忽在寒林。嗚呼哀哉。嗟乎子之器識。友朋所欽。命之不延。維天難謀。何月初之書在手。而今日之訃已尋。予在罪籍。其歲三兮。子之疾也。予不能診視。子之葬也。予不能親臨。無窮之恨。其復誰論。閒獨憶。往歲木枯之慘。訪鏡野之藜藿。土室念咎之餘。喜介然之盍簪。挑燈披策。妄歎古道之榛塞。對榻不睡。共擁雪夜之被衾。肩曉分手。去送門不敢闖。豈知終天之永訣。今而思此。

淚不禁。嗚呼哀哉。有親華顛。世爲霑衿。善豈無報。天與厥男。感應萬端。孰能斗斟。若夫予之講學。日漢古今。誰共探玄。與子鈎深。使予向後至。斷聖之妙。何處得郢人。爲之椹耶。已矣乎。遣人於新塚。齋蕪詞。想有艸蟲之助。悲吟。嗚呼哀哉。

祭池敬之文辛卯九月朔  
辛卯二十八日

嗟乎敬之子來。乙夜講竟。里仁丁旦。忽訃其僞。其真。嗚呼人生之脆。誰言弱草輕塵。初余秦山開講席。三十有餘年乎。茲忠信貞諒。若子其誰。幼無一言之浮虛。長無一事之妄隨。弗見人之冷熱。詎知世之穿機。始也鄉曲之無學。無行者訝其崖異。莫不相與嘲。久而士夫之有子。有弟者。服其信義。無不願結交。予之禁錮也。朋舊解漆膠。坐談恐聞賤姓。行路羞見宿梢。惟子不忍。鄰壁問安。經年不倦。予歎其難。穴牆延子。情鍾悲歡。從此三載。投夜挾策。雖飲公憲。志切麗澤。孤燈寒月。每設丈席。如今而後。吾復誰客。噫。在家喪。孝子在鄉。失良友。至若我土室。何人吹灰朽。窳窳何處在。恨不。

能奔走獨叙平生空搔白首魂逝弗遠歸享斯酒嗚呼哀哉

祭澀川昔尹文乙未四月四日

皇天德輔聖訓何訖國傑無壽孰識厥由垂白在堂誰能緩羸博之號嗚呼哀哉維靈妙年才器卓然專門家學為神為天神原乎垂加天踰於晴明靈也學習矻矻勉旃析理秋毫決占幾先有職之八家其一為澀川中經干戈家失青氈靈也振志朝鑽暮研始探祖訓之洋洋遂尋墜緒之茫茫世蔑古學維靈靡敢爭人扣新得維靈弗私藏豈惟吾黨友之明師正是士君子之重望昔我之壯先生所器問目雌黃日往月來歲在甲申千里載馳上堂拜先生之德容入塾接賢子之丰儀實峯巒之松柏又庭階之蘭芷宛乎在眼于今一紀去臘一書何其諄諄初論淡路蛭兒之省已終歎曆象推步之乏人三復凜然手澤尚新詎意此言也成永訣之因延平逸劍兮家學將嚆依伯道無兒兮天道果有知永言年來相期之深茲臧薄奠與蕪詞嗟夫孝友敦朴之風溫然博愛之姿可復見哉可復見哉

嗚呼哀哉伏惟尚饗

祭澀川先生文乙未十月六日

嗚呼哀哉先生之於天兮我國開闢以來其一人歟何其劃符離合日月指掌低昂星辰也邪神代伊莽諾尊立春秋以分表中底之天人世神武天皇興曆法乃成十二月之年神聖之蘊微乎淵矣爾來千載斯道莫傳真野鷹名乎曆術兮左祖徐昂知其學之疎晴明也妙乎天象兮推步之策則不免闕如夫星宿之在天如城邑之列地有古存而今亡者有古隱而今示者先生皆能識別而字之日月之會同在天有定期淳風虛進徒為參差郭氏乘徐猶未明備先生創行差之術兩曜正合乎天矣日行之盈縮限以冬夏至入氣之忒先生始試南斗之初東井之四古今交食豪釐不貳歲旦奏七曜曆至元亨無廢絕干戈侵尋推步滅裂貞和三星之變當時猶有恠而記之降而至于近世莫識其光芒之髣髴先生之明毫分縷別張子信積候郭守敬細行游刃於肯綮五緯得其列偉哉貞享朝



儀復式其他日月地之近遠陰陽曆之強弱前乎千歲之古曆後乎千歲之改曆言之析乎絲髮莫不爬梳抉剔著書數千言一一合符契蓋自非星辰降而化人何以如此之明白也哉嗚呼哀哉吾神道之統遠出乎天伊莽諾尊以是傳之天照大神天照大神以是傳之瓊瓊杵尊列聖相承未嘗失墮兒屋太玉猿田彥內外相守如一身中古以來其道分崩卜部伊勢各自立家雜佛混儒伐異黨同如此凡數百載學者無所折衷近時垂加社出障百川而東之風水風葉之作似續藤森之功然而一時門人亦未有升其堂懿哉先生圯上取履到底根究旁及百氏蚤見乎天柱國柱之卓晚登乎神籬磐境之巋蓋先生之於垂加門牆也實青於藍而寒於水者矣嗚呼哀哉重遠事先生二十歲于茲於先生家學庶乎不懵然晚以禁錮廢講門日日馳想東海天天曆妙籌神道祕奧北斗仰望胤子之賢惟天難謀胤子先逝先生老病悲淚懸泉未滿七月先生亦沒既無庶孽亦無孫遺傳忽雲散東岱前後煙不知何世有楊子雲嗚呼哀哉重

遠錄天名壬癸傳神號鹽土師說萬一以謀不腐奈何天南海北猶未及乞郢斧舉一世莫可質訂此恨絲絲徹千古嗚呼哀哉噫先生之魂豈與醢雞瓊裏者同乎哉將沿東海兮浮遊八極乎抑攀富山兮御氣排空也必其爲列星爲明神後天後地以欲觀造物人鬼之所窮焉願彼塵世之利名禍福兮野馬杯水會何足掛齒牙也然則重遠等區區奉觴咨嗟悲泣兮寧莫爲先生所嘲侮也耶嗚呼哀哉尙饗

秦山集四十八終

秦山集四十九

譜

谷氏族譜

谷氏世世土左國長岡郡江村郷八幡村之産家世傳言厥先從太和國神謫於當國徙自三輪之谷故以谷爲氏蓋一宮社職亦有谷氏豈大神姓而扈從葛城一言主神歟語見谷氏大神姓說世爲本邑八幡宮祠職衣裳紋右柄繪子孫相嗣至於左近此爲始祖以學識氣勇聞乎當時長宗我部秦君世世眷顧而元親君特加厚其子帶刀娶德弘彈正女早亡無嗣左近之弟稱神右衛門是爲我家之一世一世之弟有甚左衛門八郎左衛門甚左衛門仕秦守爲香美郡山田郷監慶長十七年壬子九月廿三日甲寅卒其子伯曰惣右衛門寬永二十年癸未十月八日己巳卒娶久禮田一圓氏有後仲曰甚右衛門無子養青木氏爲子季曰甚左衛門有後皆相續家山田焉八郎左衛門初稱甚五郎仕秦守監土左郡秦

泉寺城不聞其後。一世天正十五年丁亥二月八日丁卯歿。號育翁。後以其地開墾。改葬本村前山。生子二。長女嫁瓶岩。城代中島源兵衛。次男。二世也。及帶刀卒。無嗣也。二世自啓曰。帶刀既死。谷氏不在我乎。願奉仕。麾下不沒其氏。元親君乃賜田祿若干。以承之家。云。二世亦稱神右衛門。初名神兵衛。以士林世家。富拔州郡。自秦守喪國。不復仕官。慶長十六年辛亥五月五日甲辰歿。年六十一。葬地改壙同上。推其生年。則天文二十年辛亥也。娶田部島城主福富隼人女。寬永五年戊辰十二月二十一日戊申歿。生子三。長男神四郎。敏悟好學。師醫道悅。頗有才名。十九歲先死。葬地改壙亦同。二女嫁池內氏。寬永十四年丁丑正月八日戊申卒。三男三世也。亦稱神右衛門。初名神七郎。天正十六年戊子生。以倜儻俠氣聞。嗜碁局。好謠曲。惠恤貧弱。孤獨鄉里。推爲長者。時國老野中氏舉秦氏遺黎。以爲鄉士。然徵索譜系。檢尋武功。非帶秦氏感狀。不許與焉。唯三世以一言保明。則不復問其文書之存亡。其知乎當時如此。寬文六年丙午十月

廿七日甲戌歿。年七十九。葬前山。娶中井氏。萬治元年戊戌四月七日甲戌歿。年七十二。葬地同上。生子三。長男權右衛門。元和四年戊午生。承應三年甲午三月廿八日戊午先死。葬地同上。無子。二男。先考也。是爲四世。三男彥兵衛重親。寬永二年乙丑十二月生。元祿十三年庚辰十月十九日戊寅歿。年七十六。葬地同上。娶石川氏。其子二。神藏孫介。此等猶留家。乎八幡矣。先考神兵衛重元。小字龜壽。寬永元年甲子三月二十九日癸未生。少以蠱豪稱。膂力兼人。爲人孝友。明白不愛財貨。不憚勤勞。中年以來。家產益落。而曾不屑意。談諧談笑。如其少時。其於宗族交友也。豈弟溫厚。終身無猜忿怨滯之態。見人有過失。無親踈。直而後則未嘗一言及之。以故人皆悅服。而莫怨。性嗜酒。飲能多。而不亂。諷謠郢曲。恂恂如貴公子。好與人談話。連晝夜不倦。其兄弟友愛之篤。鄰里莫不感之。常誦中臣祓。又每使季子重遠。讀保元平治談。平家談。東鑑。太平記。王代一覽等。野史。歿前數日。猶聽江源武鑑。不已。是其平生大槩。而不言財利。

不言人過。二者蓋終身之所不易也。嘗戒諸子曰。士當勿屈伏稱謝。苟一有屈伏稱謝之恥。則男兒大節已喪矣。他不足觀也。其奮發剛毅之風。大率類此。先考老徙。居于土左郡秦泉寺村秦山。元祿元年戊辰。十一月朔日。庚午亥時。以病歿。年六十五。葬本村前里天馬山柚木壇上。娶島崎氏。生子六。長女名與之。正保四年丁亥。五月二十四日甲子生。嫁江口氏。元祿三年庚午。正月廿七日己未歿。年四十四。葬秦山。二女名也也。天三女名。辻。承應元年壬辰。正月十四日丁亥生。嫁小島氏。四男彌太郎重正。是爲五世。明曆元年乙未。十一月十九日己亥生。延寶四年丙辰。仕國主。有學問行義。寶永三年丙戌。八月九日甲午歿。年五十二。葬先考墓東畔。娶野村氏。生子六。神之丞重敬。是爲六世。元祿七年甲戌。七月五日辛未生。嗣父奉仕。忠次郎。九年丙子。五月十一日丙寅生。三歲夭。空女。十一年戊寅。正月廿八日甲申生。嫁鍋島氏。神七郎克敬。十四年辛巳。正月廿九日丁巳生。清女。寶永元年甲申。九月十日丁未。生于柏島。三歲夭。椋女。三年

丙戌。八月十三日戊戌生。五男又次郎重次。萬治元年戊戌。五月八日甲辰生。亦仕。元祿五年壬申。十月四日己卯。病死。江戶。年三十五。葬于築地西本願寺。內淨念寺。未娶。六男丹三郎重遠。小字小三次。娶土橋氏。生子若干。長男神介自直。小字虎藏。元祿十一年戊寅。七月廿一日癸巳。生于秦山。次男神內古道。小字三藏。十五年壬午。六月十日庚申。生于高知。正德五年乙未。正月患走馬牙疳。父重遠不知其爲急候。不迎醫治之。十二日己酉。晨前忽爾卒。重遠失父道也甚矣。年十四歲。此兒也。壯大美好。好舊記。太平記前續等通讀。能貫記之。性濶達豪氣。不居人後。將來有望。友朋皆惜之。三男八藏。寶永二年乙酉。十月朔日辛卯。午時。生于山田。眉目如畫。言語分明。記文字。二三十。五年戊子。十一月廿八日庚子。患疳痢。四歲夭。四男久藏。同年閏正月十四日壬辰。未時生。正德三年癸巳。六月廿八日癸卯。亦患疳痢。六歲夭。久藏性質。重厚明敏。端正寡欲。有程邵公之風。誦感興詩。凡詩中文字。在他書無不記焉。父母甚哀惜之。三子皆葬鍋

山。五男正德元年辛卯。二月四日癸亥生。六日乙丑夭。六女名萬。二年壬辰。五月二十日壬寅生。重遠。寬文三年癸卯。三月十一日己卯。卯時生。初生。晨嗽旭然。輝其額。云。六年丙午。去。八幡。寓高知。十一年辛亥。九歲從。真島崎氏。授讀小學四書。十二年壬子。入常通寺。師守信法印。讀法華。不滿兩月。通誦之。延寶二年壬寅。辭寺歸。七年己未。二月上京。六月朔日甲子。謁淺見先生。十月廿一日癸未。謁垂加先生。八年庚申。四月歸。九月。有司者欲祿之。辭而不拜。遂上京。天和元年辛酉。二月歸。二年壬戌。十月。聞垂加先生之訃。上京。十二月歸。三年癸亥。七月二日辛未。從高知寓宅。徙居于秦山。九月上京。十一月既望發京。廿三日庚寅。大雪。晨詣於西宮。十二月歸。貞享三年丙寅。五月。遊蹉陀山及宿毛。八月歸。元祿元年戊辰。丁外艱。三年庚午。八月十一日己巳。丁出母島崎氏之憂。七年甲戌。以書上。遊川翁。學天文曆策及神道。八年乙亥。八月朔日庚寅。安倍泰福卿賜。貞享曆法傳授許狀。遊川翁賜。自筆。貞享曆書七卷。十年丁丑。夏。翁賜。曆術印。

可。其詞曰。貞享曆十一曜闕。其舛案。一一攷證。乎推步。誠詳哉。夫七政四餘之術。非數百年來所能及焉。可謂珍重也。四月廿三日壬申。娶土橋氏。十二年己卯。十一月乙未。朔旦冬至。翁賜。中臣祓印可。十三年庚辰。四月廿一日甲申。移居于香美郡山田野。七月十一日壬寅。新造宅落成。此歲三位泰福卿亦賜。十一曜印可。十四年辛巳。三月朔日戊子。從三位荒木田。神主經晃。授中臣祓之傳。十五年壬午。正月五日丁亥。澀川翁授三種神器之故實。二月戊辰。考究我姓當爲大神著之說。甲戌。邦君有旨賜。資給。孕石主水傳。其命。三月十三日甲午。有命移居城府。有司延聘。五月朔日壬午。講神代卷。聽衆六十餘人。十一月冬至。澀川翁賜。神道印可。且賜自筆。瓊矛拾遺三卷。此歲買還先世所傳。林莊八幡村天王內。正月七日。祭天王於社。八日。祭先祖於家。九月廿六日。祭天王於社。廿七日。祭先祖於家。祭儀循底筒之式。永以爲例。十六年癸未。冬。以府君應接多冗。殆廢舊業。訴陳。有司請。郊居。有命從。請。十一月廿七日己巳。還住山田野。寶永

山。五男正德元年辛卯。二月四日癸亥生。六日乙丑夭。六女名萬。二年壬辰。五月二十日壬寅生。重遠。寬文三年癸卯。三月十一日己卯。卯時生。初生。晨噉旭然輝。其額云。六年丙午。去八幡。寓高知。十一年辛亥。九歲從。真島崎氏。授讀小學四書。十二年壬子。入常通寺。師守信法印。讀法華。不滿兩月。通誦之。延寶二年壬寅。辭寺歸。七年己未。二月上京。六月朔日甲子。謁淺見先生。十月廿一日癸未。謁垂加先生。八年庚申。四月歸。九月。有司者欲祿之。辭而不拜。遂上京。天和元年辛酉。二月歸。二年壬戌。十月。聞垂加先生之訃。上京。十二月歸。三年癸亥。七月二日辛未。從高知。寓宅。徙居于秦山。九月上京。十一月既望發京。廿三日庚寅。大雪。晨詣於西宮。十二月歸。貞享三年丙寅。五月。遊蹉陀山及宿毛。八月歸。元祿元年戊辰。丁外艱。三年庚午。八月十一日己巳。丁。出母島崎氏之憂。七年甲戌。以書上。澁川翁。學天文曆策及神道。八年乙亥。八月朔日庚寅。安倍泰福卿。賜貞享曆法傳授許狀。澁川翁。賜自筆貞享曆書七卷。十年丁丑。夏。翁。賜曆術印。

可。其詞曰。貞享曆十一曜閱。其艸案。一一攷證。乎推步。誠詳哉。夫七政四餘之術。非數百年來所能及焉。可謂珍重也。四月廿三日壬申。娶土橋氏。十二年己卯。十一月乙未。朔旦冬至。翁。賜中臣祓印可。十三年庚辰。四月廿一日甲申。移居于香美郡山田野。七月十一日壬寅。新造宅落成。此歲三位泰福卿。亦賜十一曜印可。十四年辛巳。三月朔日戊子。從三位荒木田。神主經晃。授中臣祓之傳。十五年壬午。正月五日丁亥。澁川翁。授三種神器之故實。二月戊辰。考究我姓當爲大神著之說。甲戌。邦君有旨。賜資給。孕石主水傳。其命。三月十三日甲午。有命移居城府。有司延聘。五月朔日壬午。講神代卷。聽衆六十餘人。十一月冬至。澁川翁。賜神道印可。且賜自筆瓊矛拾遺三卷。此歲買還先世所傳林莊八幡村天王內。正月七日祭天王於社。八日祭先祖於家。九月廿六日祭天王於社。廿七日祭先祖於家。祭儀循底筒之式。永以爲例。十六年癸未。冬。以府君應接多冗。殆廢舊業。訴陳有司。請郊居。有命從請。十一月廿七日己巳。還往山田野。寶永

元年甲申。二月七日丁丑。得大原真守刀並鐸護一板。此刀我家重代寶器。天正年中。秦元親朝臣。方將經略四國。我祖左近獻此刀。東陳西戰。未嘗離身。秦主既喪。後不知其所在。流轉民間。蓋百許年。雖然。甲授乙受。皆歷歷傳言。谷左近殿刀。今春忽然再歸我家矣。可謂奇異之甚也。因審之。龜漫深厚。劍體壯大。銘刻分明。且刀莖髣髴如有巴紋。抑大原真守之劍。中古以來。鎮護國家之靈寶。有職家祕說。嘗私淑有聞焉。我家忝傳之。何其神妙也。天文星曆之學。雖頃年頗聞其說。猶未領其要。請有司以東遊之志。有命從請。二月十二日壬午。發山田野。歷豫讚備播。壬辰詣西宮。癸巳。遊難波天王寺。甲午。參男山八幡宮。戊戌。拜熱田宮。三月二日辛丑。登佐夜中山。望富士山。丙午至武城。留止國邸。丁未。謁澀川翁父子。於駿河臺。講究貞享曆。忝聞日月五星之祕。討論瓊牙拾遺。欽受神道髓腦之奧。噫。豈非千古之一快乎。戊申。詣東叡山。戊辰。翁授葵傳。四月三日壬申。發江戶。癸酉。遊于金澤及鎌倉。宿榎島。乙亥。詣菅根社。丁丑。拜淺間社。庚辰。

再參熱田。癸未。參宮。拜神御衣祭。遂留宿。經晃神主之宅。講問神道。乙酉。渡宮川。經伊賀路。泛木津川。戊子。詣於春日。乙丑。拜立野。參三輪。宿初瀨。庚寅。歷櫻井及谷。詣飛鳥社。遊多武峰。辛卯。徧尋芳野。故迹。壬辰。登高野。癸巳。遊觀心寺。拜後村上陵。經過拜應神仁德陵。甲午。遊沙界。涉太和新川。拜住吉社。詣古宇津。至大阪。丁酉。浴於有間溫湯。五月朔日己亥。發有間。歷瀨川。拜藍野陵。庚子。詣離宮八幡。遊寶寺。經東寺。入京。辛丑。謁淺見先生。訪度會。延經神主。於藤波殿。問對馬卜部龜卜之法。癸卯。拜賀茂祭。覽競馬。甲辰。登比叡山。拜日吉七社。己酉。謁于安倍泰福卿。乙卯。發京。丙辰。至大阪。巡覽八尾久寶寺古戰場。壬戌。發大阪。海路無恙。六月朔日己巳。歸舍。此行也。皇都中外。固不待言。凡畿內名社靈刹。莫不遊觀焉。著東遊紀行二卷。當國式內二十一社。社地神名。湮沒者多。數年以來。東訪西問。漸見頭緒。因與度會。延經討論。粗有成案。近年有命上之。三年丙戌。有命令齋。彼艸案。訂諸卜部。兼敬卿。四月十六日癸卯。發高知城。歷豫讚備。





仕元親君家傳 曰左近之弟也。	此承帶刀家爲 谷氏宗者居八	寛文六年十月 廿七日卒。	名重元。元祿元 年十一月一日	名重正。仕國主 山内君爲柏島
天正十五年二 月八日卒。號百 門。生子神右衛	正村天王内天 正十六年地檢	十九娶中井氏 生子三長子某	卒。年六十五。葬 泰泉寺。墓島崎	浦監。寶永三年 八月九日卒。
長。姓名多見。慶 長十六年五月	先卒。次神兵衛 次彦兵衛。	耶。又次耶丹三	氏生子三。彌太 耶。又次耶丹三	五十二娶野村 氏生子二。神之
五日卒。年六十 一娶福富氏。生	耶。先卒。次神右 子二。長子神右	衛門。	耶。	丞神七郎。
名重次。仕國主。 早世無後。	又次郎	又次郎	又次郎	又次郎
名重遠。仕國主。 娶土橋氏。生子	丹三郎	丹三郎	丹三郎	丹三郎

任桑君爲山田 鄉監。永祿十一	寛永二十年十 月八日卒。年六	慶安三年六月 二日卒。生總右	寶永七年閏八 月廿八日卒。年	元祿九年八月 十四日卒。年四
年。一宮遣警候。 天正十六年地	一圓。娶久禮田 氏。生太兵衛	衛門。文右衛門。	八十一。生文大 夫。重介。總太兵	十四。生甚左衛 門。重作。
檢帳。皆行姓名。 鞍山田村。文祿	衛兵三郎。	衛。	衛。	衛。
四年。盛親主賜 御書。有三通。萬				

神左衛門

總右衛門

太兵衛

總右衛門

文大夫

彦兵衛

神藏

孫介

生子新藤。

名重親。生子二。  
神藏。孫介。

無子。

神介神内。





泰山集四十一卷

谷津氏藏

名自直。	神內	<small>後</small> 名古遊早世無	新藏	甚左衛門	<small>名正家。仕國主 爲卿七</small>	重作	清之丞

總太郎							

秦山集四十九終

書家藏秦山集後

秦山集四十九卷。與序目合緘二十三冊。先大人終身自所集錄。而手澤猶新也。末梢將鏤于櫻。以傳諸無窮。宿志未遂。奄忽即世。遺憾萬萬矣。兒不肖。未能述其事。姑裝束之。期異日成功。文字改削。在格內者。不及淨寫。或出於總格之外者。亦反折其紙。依舊存之。但於遺文。則不得已補入焉。蓋先大人筆跡。雖片言隻字。不可復得。以故尊崇愛護之餘。不忍損敗之。藏以爲貽厥家珍。且備後世子孫好學者之軌範。云爾。

享保十三年戊申三月中泚

嗣子谷丹四郎垣守謹識

秦山先生小傳

先生名重遠。小字小三次。稱丹三郎。谷氏。秦山其號。土佐長岡郡豐岡村人。其始祖曰左近。仕長宗我部氏。有顯名。左近五世孫重元。生三子。伯曰重正。仲曰重次。季即先生。先生以寬文三年癸卯三月十一日生。性好學。強記絕倫。幼受小學四書於舅島崎氏。過眼不忘。又入常通寺。師守信法印。讀法華經。未滿兩月。成誦。延寶七年六月。年甫十七。上京謁淺見綱齋。十月謁山崎闇齋。二儒學主。洛闈說大義名分。極稱嚴正。先生既受二儒之教。而歸。後屢修書。請益。無有間斷。國守山內豐房公嘉其篤學。欲賜以廩俸。辭而不拜。天和三年。先生謂讀書勤業。不如郊居。移住秦山。元祿元年。父重元卒。家貧不能葬。二兄奉職在外。先生代奉几筵。孝友之情。可想也。七年。寄書澁川春海。學天文。

曆算春海闇齋之弟子。夙有出藍之稱。初先生問星曆於闇齋。及闇齋卒。欲游春海之門。府司不允。故寄書學之也。八年。新鑄渾天儀。衡璣各三尺。尤稱簡明。十年夏。春海授曆術。印可。十三年。先生學術已優。門人又多。而益欲研之。移于香美郡山田野。十五年。豐房公終。賜廩俸。令移居城下。府員延聘聽講者。常不下六十人。而公私應接。日夕不遑。先生恐廢其志業。十六年。請復於山田野。寶永元年。東游訪春海於駿河臺。此行也。所過山川宿驛。皆詠歌之。畿內社寺。莫不遊觀焉。著東遊紀行二卷。三年。先是先生巡行國內。考定式內二十一社。湮沒者具案上之。至此受命齋案。至京師。訂諸占部。兼敬卿。卿可之。豐房公欲造替二十一社。令有司與先生議之。無幾。公捐館。議遂罷。四年。有命禁錮先生。不審其罪名。竊謂當時幕府。命林信篤建聖廟。與

文學。絃歌之聲。起於所在。而儒臣學士。曲解大義名分。甚焉。至爲冠履倒置之言。以侮蔑天朝。世人不察。以爲當然。蓋時勢爾也。而先生之學。已駕乎闇齋綱齋之上。其說大義名分。毛絲不紊。有以感孚一國人士之心焉。當路之人。蓋不說之。機公捐館。排陷之也。先生既被禁錮。毫毛無怨尤之色。晝則抄書。改文。夜則觀天象。認星宿。十有二年如一日。以享保三年六月晦終。年五十六。嗟呼。先生既不遭時。命又不長。滿腹經綸。無所施爲。而歿。豈可勝慨歎哉。雖然。一國感孚之效。累世而益驗。遂至以勤王唱首。大顯。蓋先生之志業。屈於當時。而伸於後世。可謂偉矣。所著書某某。皆藏於子爵干城君之家。當子爵之刻秦山集。囑豐多。謄寫之。校正之。且爲先生小傳。而繫其後。豐多不敏。不文其爲傳。素非其人。然豐多蒙子爵眷顧。三十餘年於此。義有不

秦山先生小傳

谷氏藏

可辭者謹叙其梗概而上云。

明治四十三年十二月十五日 安房 松本豊多謹誌

明治四十三年十二月二十日印刷  
明治四十三年十二月廿七日發行

著 者 故 秦山谷 重 遠

發 行 者 子孫 子爵 谷 干 城

印 刷 者 澤 村 則 辰

印 刷 所 成 章 堂

東京市日本橋區  
箱崎町四丁目一番地

東京市牛込區牛込  
北町三十七番地

東京市牛込區市ヶ谷  
田町三丁目廿一番地



